

金石續編

掃葉山房發行

金瓶梅
卷之八

金石續編卷第九

武進陸燿燾纂

太倉陸增祥校訂

唐六

舜廟碑

高一丈四尺廣六尺二寸十八行行四十字篆書
額題舜廟碑三字篆書在廣西臨桂縣虞山摩崖

舜廟碑并序

○議唐缺郎中上柱國諱雲卿撰

○議唐缺府長史武陰縣開國男翰林○唐缺詔韓

秀實書

京兆唐缺水篆額

帝舜有虞氏姚姓諱重華帝唐缺警叟之子什以孝

聞卅堯○唐缺授堯之禪丁酉法堯禪禹在位五十

年南巡狩崩唐缺一百一十有二等聖德垂○唐缺靈

輿遊乎無方南人懷思立祠禱祭歷夏殷周秦拒唐缺

享奠不替

大曆十一年

皇族隴西縣男無御史中丞昌唐缺地虔祗統命肅輯

神寺○唐缺圮狹隘朽陋不足延降聖靈迎致恭恪

齋服祭罷不唐缺邀福慶禮有里巷蠻夷○唐缺於

州佐縣尹曰上有陽虛陰實下有河湟狀溜風雲唐缺

之伏處○乎僊駕蔭庇○唐缺遂神將遐奔

因以俸錢增新繕故崇垣峻宇唐缺慶興○唐缺成以時

昭享○唐缺來○唐缺就懷怖懼肅然無不加敬牲

○既設巫祝唐缺然○唐缺誠驚鼓既○俎豆○唐缺神

○人悅僊然如受其福是歲寇賊殲○年穀登稔唐缺

祉官○長老顯刊珎表識以詠謠烈○辭曰

惟虞禪夏真德斯淪夏殷歷周唐缺尊帝○莫宣祀典

空守祀禮○聞於○唐缺皇宗踵美虞唐萬生唐缺

凡唐缺十四字當是原俾○穆穆宗臣祗慎肅肅廣廈增

○展禮竭忠人神胥會風雨晦蒙三千年○禮幣贊通

西原冠平南畝有年紀事報功皇靈降臻德化○唐缺攻

戰自剋戛戛農耜我勦乃○日用遊焉惡知唐缺帝

力天之同○唐缺存影響誠感昭通屑○室○唐缺播美

垂億千載唐缺大唐建中元年○唐缺月景寅朔

二日丁卯唐缺

按唐大曆十一年李昌巖脩舜廟韓雲卿撰碑韓

秀實隸書李陽冰篆額建中元年三月二日立石

歐趙陳三家皆未著錄王象之輿地碑目靜江府

有虞帝廟碑唐李陽冰篆而不載撰書人姓名于

亦正金石志韓雲卿撰而不及書篆者唐缺國朝孫

星行訪碑錄載二韓撰書而不及陽冰篆額錢大

昕潛研堂金石文跋尾攷據加詳但未審修廟之

為李昌巖也碑文五百餘字石泐七十餘字中央

為明嘉靖間楊銓刻詩磨毀十三行每行七字今

可辨者尚三百數十字辭凡十九韻三十八句萬生圖下至倬口缺十四字以韻句合之止缺十一

字其三字乃原空格也碑前二韓撰書姓名具在篆額上冰字亦未損大歷十一年皇族隴西縣男

兼御史中丞昌下關平蠻領隴西縣男昌巖與此碑合則此碑昌下關者即巖字也宗室世系表昌

巖判南節度使檢校工部尚書從後官階也元至正二十三年劉傑所撰舜廟碑云肇修于唐觀祭

使李公昌夏誤以巖為夏也又云文之者禮部郎中韓雲卿則知此碑韓雲卿結銜郎中上為禮部

也碑末書大唐建中元年字五月景寅朔二日丁卯通鑑唐德宗建中元年庚申正月丁卯朔二月

丙申朔四月乙未朔則三月朔為丙寅元年下所缺蓋歲次庚申三凡五字也道光五年冬晤老友

臨海洪州判題於廣州得此拓本以贈

大岷山銘銘

登于大岷山所經過頂凸坤儀根壓洪河天生忠良濟

惣宏多山靈河神俾環海戢戈 唐建中元年四月廿

六日勅魏博成德幽州靜□□□□□□道黜陟

使諫議大夫洪經綸題

趙氏金石錄第一千五百五十六有唐聰明山銘亦

洪經綸撰張炳八公書建中元年六月立蓋同時所

為也筠清館金石記

獨秀山石室記

石高二尺廣三尺二十六行行十三字正書在廣西臨桂獨秀山讀書巖

獨秀山新開石室記

監察御史裏行鄭封齊

城之西北維有山曰獨秀宋顏延年嘗守茲郡賦詩云

未若獨秀者我我郭邑間嘉名之得蓋肇於此不籍不

倚不驚不崩臨百雉而特立扶重霄而直上仙挹石髓

結而為膏神鑿嵌寶呀而為室廊渾可遠幽偏自新勝

栗岑窮人無知者大厠中御史中丞 隴西公保郭

南服三年政成迺考宣尼廟於山下設東西庠以居賈

子倫俎豆儀以親釋菜雖峻吐可尋而藁薄未剪

公乃自常役以上□指荒榛而授事為力無幾得茲亢

焉閱而外廡隘以傍達立則畏其背行則頤其腓於是

申請左右朋進奮鋪壤之可跳者布以增迭石之可轉

者積而就階景未移表則致塵生白矣豈非天賦其質

智詳其用乎何暑往寒襲前人之略也亦由士君子觀

巡獨善懿文遊藝不遇知己發明則蓬蒿向晦畢命淪

悟鹽車無所伸其駿和氏不得成其寶矣篆刻非龍庶

貽後賢建中元年八月廿八日記

按建中元年鄭叔齊撰獨秀山新開石室記

隴西公者李昌巖也大歷十二年昌巖以隴西縣

男領桂州都督兼御史中丞迄建中改元闕七年
矣獨秀山之名肇於顏詩宋書本傳顏延之字延
年少帝時出為始安太守領軍將軍謝瞻謂延之
曰昔荀勗屈阮咸斥為始平郡今卿又為始安可
謂二始記云嘗守茲郡始安郡也始安郡三國吳
置晉宋因之宋明帝改郡為國曰始建齊復
置桂州喜為桂州始安郡即今桂林府

涇王妃韋氏墓志

石縱橫各一尺三寸十八行行二十二
字至二十四字不等正書在南海吳氏

大唐涇王故妃韋氏墓誌銘序

給事郎行河南府洛陽縣丞翰林學士賜緋魚袋臣

張周撰

夫必有婦其尚矣先務德禮次求容功無而有之方謂
盡善不尔則不足以待執巾櫛宜其室家故詩稱好述
傳著嘉偶非必獲是孰婉 名王妃姓韋氏蓋京地

長安人祖湜

皇朝中散大夫穎王府司馬贈光祿卿父昭訓
皇朝中散大夫太子僕贈衛尉卿皆公望自遠吏才無
優來以何慕見歌去以不留與詠妃即淮陽府君之第
四女也自漢及今門為望族男不卿士女則嬪嬙蟬冤
魚軒與時間出騰光簡諒昭晰紛綸妃蕙以為心馨其
如德詞懿而之服純而展位則千乘小君行則

一人猶母雖貴無壽命也如何嗚呼享年四十八以建
中二年十二月己酉薨于寢以三年二月庚申葬于原
禮也存不育男孕女沒無主祀執喪有足悲夫銘曰
關右著姓 海內名家 氣與蘭馥 顏如薤華
宜乎作嬪 于王之室 如何不淋 中路先畢
松楸交植 塗菊共來 一晝朝露 于秋夜臺
目觀原野 心傷上 日既光沉 人亦薰歇
中無可欲 馬盧發掘 但恨長碑 獨歸城闕

右墓志首尾共十八行參差不齊首行廿二字正書
字徑五分文為張周撰攷涇王名倓肅宗之子本紀
載至德二載十二月封子東陽郡王倓為涇王亦見
宗室世系表韋氏祖湜父昭訓並見宰相世系表乃
勛王房之後表載湜齊州刺史昭訓太子僕墓志叙
湜為中散大夫穎王府司馬贈光祿卿與表異而昭
訓為贈衛尉卿表亦弗之及自當以墓志為正德宗
本紀載涇王卒於興元元年五月則妃薨時涇王尚
在也志不書所葬之郡縣此刻向來金石家皆未著
錄恐係新出土者予得之吳門碑估處察其紙墨似
是關中拓手恐在陝西金石文編
按唐書涇王倓肅宗子始王東陽至德二載進王
涇史思明陷河洛詔充隴右節度大使興元元年
薨子追延德郡王妃韋氏即公房祖湜父昭訓並

見宰相世系表湜齊州刺史昭訓太子僕與志詳

略互異元和姓纂鴻生昭訓誤湜為鴻可以此正

之漢丞相韋賢自鄒徙杜陵至唐時定著九房宰

相十四人太宗妃生紀王慎肅宗妃生交王僖者

皆韋氏又開元二十四年為壽王瑁聘韋昭訓女

即如姊見元宗貴妃楊氏傳按通鑑二十五年十二月武惠

妃薨乃令壽王妃楊氏為女官號太真更為壽王

娶左衛郎將韋昭訓女潛內太真宮中天寶四載

七月冊昭訓女為壽王妃八月冊太真為貴妃志

所謂自漢及今門為望族男不卿士女則嬪嬙也

穎王璦元宗子百官志正五品上曰中散大夫王

府司馬從四品下光祿寺卿從三品太子僕從四

品上衛尉寺卿從三品建中二年妃年四十八則

知生於開元二十二年其薨先湜王三年志云存

不育男孕女則知追非妃出也張周見韋執誼翰

林院故事建中已後周自洛陽尉改河南縣丞又

改兵曹又改虢州司馬皆充翰林學士丁居晦重

修承旨學士壁記張周大歷十四年自洛陽縣尉

南海吳兵脩景光

景昭法師碑

碑高八尺二寸廣四尺一寸二十五行行五十六字正書景昭失開在江蘇句容縣茅山

華陽三洞景昭大法師碑并序

陸長源撰

朝議大夫檢校國子司業兼御史中丞吳縣開國男

景書并篆額

天載宇宙懸日月提萬象而首出者其唯道乎夫通聖

神該品彙冠百靈而獨立者其唯人乎道所以包渾元

經始萬象者也人所以稟運粹司會百靈者也故人因

道而集祉道因人而垂休不幸之功地乎造物無言之

德洽乎生民然後蕭散乎汗湯之間冲融乎希夷之表

與天籟而吹萬並谷神而長存者矣紫陽真人大法師

諱景昭字懷寶本丹楊延陵人也其先系自口口大彭

之後在虞為陶唐氏在夏為御龍氏在商為冢韋氏因

國命氏口口口延以至于裔孫孟孟為楚太傅賢為漢

丞相昭口吳為侍中昭兄慎為司空法師即吳司空之

十六代孫也司空薨葬于延陵子孫因而家焉祖道會
父思藏皆匡園養素道高跡隱載于列仙之藉法師方
口稟異自幼表竒孕元和之粹靈體太玄之妙質初以
素書發跡配度于延陵之尋仙觀後以丹臺著稱綵居

于長安之肅明觀局

至宗廣成問道姑射

願神放心於凝寂之場垂於穆清之上法師因得拜儀

上國思

金鏡頌頌玉繩藉藉京師垂廿載愛辭

還故鄉重繇茅山之太平觀天寶中與玄靜先生奉詔

修功德造紫陽觀因而居焉遂於口丹院傳黃素之方

修齋醮之法祥雲瑞鶴飛舞於壇場甘露神之降生於

庭院初法師師事大法師包士榮榮師事崇玄觀道士

包法整整師事上士包方廣廣師事華陽觀道士王軌

軌師事昇玄先生王遠知知師事華陽隱居陶師景自

道源錫派玄教傳宗玉堂銀闕之人羽蓋毛旌之客府

無虛籍代有其徒法師至行稽乎玄化通識合于靈造

與其有也萬物不得而不有其無也萬物不得不而不

無得玄以春秋為死生盈虛以天地為旦暮雲外席頭

之佩雪中鶴擎之表孩季通而撫子玄師仇公而祖黃

太教戒示乎傳授服餌見乎延長侍杖屨者跡徧于江

湖傳經錄者事同乎洙泗一居山觀三紀于茲還神契

乎時來寄魄同乎物故以貞元元年十一月癸卯委蛇

于紫陽之道場顏色怡悅屈伸如常春秋九十有二以

其月已酉遷神于雷平山之西原玄靜先生壽宮之左

傳授蘇州龍興觀道士臯洞虛得冲虛之妙用躡上真

之玄蹤梁市之客負來華陽之人間出美道士韋崇珣

主修齋醮祭俯仰節度道士朱惠明掌法錄經書修真

秘訣法師上編仙錄傍契道樞神含渾元德與堯粹誇

進羣動感通家靈逸然非寰宇之間超然在風雲之表

至如身纏世故跡混俗塵發忠孝以飾躬演信義而旌

行蓋隨時而不器豈常道之可師歟浙江東西節度支

度判官掄按尚書兵部郎中兼侍御史扶風寶公曰泉

布武區中棲心象外與法師聲同道韻理契德源追往

想裴高之祠傳神著穆光之傳見微副墨用琢他山其

詞曰

惟道之大提功混茫惟人殆庶與道迴翔素韻凝寂

功靈長肇形無跡啓迪逾光矯矯法師錫美華陽本族

命氏在虞系唐御龍事夏家韋居商巖然靈表自初而

彰理冠客成質俸夏黃尋仙發跡肅明始揚宵禮金殿

晨朝玉皇丹臺道侶白雲帝鄉楚山萬里故國

丹楊樵宮鳴警齋室焚香芝生庭院鶴舞壇場茅君祕

洞葛氏真方來時去順齊彭伯陽化鱗風肅安蛟雲驤

客轡遷迤松桂蒼蒼塵生杖屨首柴巾箱龍銜彩珎虛

綴盤囊聞風玄圃瑤軒玉堂追存如在頌德不亡孤石

歸然萬古連岡

太平觀道士徐元治道士許長久徐則內行克修外通

儒學許則宿推公幹虔奉真宗

貞元三年獻春正月上元之辰建造

清河張伯倫刻字

按景昭法師碑陸長源撰實泉正書道家碑題多著俗姓此碑但題華陽三洞景昭大法師碑而序中則云商為禾韋因國命氏溯其先世曰孟曰賢曰昭曰慎則法師乃韋姓也長源撰碑贊美實泉而泉即自書亦所罕見長源結銜檢校國子司業吳縣開國男兩唐書皆不載實泉扶風人撰述書賦元和姓纂扶風實氏魏晉以後史傳無聞得此皆足補其未備

韋夫人王氏墓誌

石縱橫各一尺二分五分二十一行
行二十四字正書在陝西長安縣

大唐華州下邽縣丞京兆韋公夫人墓誌銘 并序

哀子前鄉貢進士鎮謹撰并書

維唐大歷十三年三月廿五日韋公夫人遘疾終于長安親仁里之私第夏四月遷殯萬年縣加川鄉西原時無良禮不脩故也貞元庚午歲二月廿三日卜叶禮具返葬洪固鄉東之舊塋附皇姑也享年卅九孝子之戚倍焉夫人姓王氏其先太原晉陽人也九代祖亮後魏比部尚書西河郡公尚書令中山郡王叔之弟也曾祖真行有唐汝州葉縣令祖怡河南尹東都留守初為御史正憚姦息父毗京兆府奉先縣丞夫人少喪怙恃終鮮昆弟年十七歸于下邽公公五代祖孝寬周為大司空隋為雍州牧其後登

三台列八座焜煌國史此不具舉夫人惠和懿柔稟之自然故韋口門大族茂能早以自約祗上接下而人無閒言事姑惟勤口夫以敬踰廿載婦道睦如也訓子均育免懷就傳親賢慙口母儀溫如也華靡不改欲榮耀不汨志安買臣之尚貧知口口之未遇敬孟齊口梁鴻比德君子謂之無媿倅宜平鍾壽昇口口何先露早廿時口彼蒼仁者之感嗚呼哀哉有子五人曰續曰潔曰系曰綰曰紆免三年之喪茹終身之痛恭守儉薄爰卜安宅封樹將立日月有時攀塗車而莫及輒泉局以凶極恩盡苴泉悲長霜露是用桓述景行式揚幽安銘曰

行備德充反職其躬哀子泣盡良人室空辭殯還鄉魂安孝終松楸有折慕思無窮

貞元六年二月十九日書

右墓志首尾共廿三行行廿四字正書字徑二三分志為其子前鄉貢進士鎮撰書文頗簡明而語氣直與他人撰文無別夫人王氏卒於大歷十三年三月至貞元庚午二月始葬其時韋公當在志前題哀子及銘中云哀子泣盡與後代母歿稱哀之例同矣然攷儀禮禮記以哀子為親喪通稱而王制言少而無父謂之孤孟子云幼而無父曰孤則必少幼而無父者方合稱孤之意詩云哀哀父母生我劬勞此父母

皆稱哀之義又雜記言祭稱孝子孝孫喪稱哀子哀
孫義禮士虞禮稱哀子卒哭乃稱孝子外舅恒言錄
引後漢書靈帝紀市賈民為宣陵孝子者數十人蔡
邕傳今虛偽小人本非骨肉而羣聚山陵假名稱孝
桓思皇后祖載之時東郡有盜人妻者亡在孝申則
漢時已以孝為喪服之通稱此志於反葬文數語下
云孝子之感倍焉後銘中又有魂安孝終之句可見
習俗相沿已昧孝之本義故其子亦不以自美為嫌
則知後代如宋人之夫亡稱孝妻喪亡亦稱孝夫之
類有自來也志敘夫人九代祖亮後魏比部尚書西
河郡公於史無攷下云尚書令中山郡王獻之弟也
王獻終於隋見北史恩幸傳其遷尚書令進爵中山
王則在魏之太和四年也傳言其先居武威姑臧獻
既貴乃言家本太原晉陽遂移屬焉故其兄弟封爵
多以并州郡縣此志言亮封西河郡公攷魏書地形
志有兩西河郡一屬晉州云舊汾州西河民孝昌二
年為朝賊所破遂居平陽界還置郡一屬汾州云漢
武帝置晉亂罷太和十二年置并州又在後為孝昌
中置蓋當王獻貴時尚在太和十二年前西河郡亦
隸并州也志又叙韋公五代祖孝寬周為大司空隋
為雍州牧見周書及北史韋孝寬傳言名叔裕字
孝寬以字行唐書宰相世系表載其為鄭公房旭之

次子下邳縣丞韋公者子曩時先得有韋公元堂志
名端者即其人也端後又官陽翟縣丞及國子監主
簿而致仕其卒葬在元和十五年後於夫人王氏卅
年据元堂志叙夫人曾祖諱子真皇襄州錄事參軍
考毗略應縣尉皆與此不合彼稱嗣子縝系統紆紉
此作縝縝系統紆紉有繫紉而無練紉序次亦復不同
豈後又更定者乎端志不詳王氏之卒之年月日云
貞元六年奉安宅兆與此志合端志又稱五代祖孝
寬後周大司空助襄公攷史傳孝寬在周歷官尚書
右僕射拜大司空及於隋文帝輔政之後贈雍州牧
故此志稱隋雍州牧而宰相世系表乃稱隋尚書令
非也此志文後有一行題貞元六年二月十九日書
攷史中言貞元庚午即六年也蓋葬以二月廿三日
書刻則在其前故於文後特記所書之日亦他刻所
罕見縝所書頗古雅惟後半君子謂之無媿辭句脫
去子字添刻於旁据此志與端志言葬萬年縣則當
在陝西而自來金石家惟未言及之畢尚書關中金
石記亦不載道光壬午長沙友人黃孝廉本驥客關
中搜集隋唐石刻七十四種以補畢尚書所遺而亦
無此志豈又近年始出土者耶拓本亦已丑六月所
得萬年縣加川鄉為長安志所遺親仁里當即在親
仁坊長安志謂在朱雀街東第三街即皇城東之第

街也 古泉山館
金石文編

按下邳縣丞韋公夫人王氏墓誌銘子真撰書而
韋公之名不著以元和十五年韋端元堂誌證之
則下邳縣丞韋公者即韋端夫人乃韋端之配此
誌與元堂誌皆道光初同時出土考詳元堂志後
夫人以元和十三年追贈臨汾縣太君見元堂志
長豐令李丕墓誌

長本高廣無考二十
行行二十一字行書

故莫州長豐縣令李君墓誌銘 并序

唐貞元三祀五月故長豐宰李君丕卒於幽州潞縣鳴
呼逝水古今悲夫 公隴西人也廿翼軒裳地清才幹
曾祖知禮宣州司功參軍 祖懷璧汴州陳留縣丞

考許州陽陵縣令 公洒然深心抱義育德士林
咸器重之乃昌言薦於元戎遂徵辟為潞縣丞佐理高

標令名遠著後墨綬長豐化百里之風樂四人之業俄
改任莫州司法參軍蘄息萌銓鍵奸譎凡登仕幾位

時議茂宰良掾也每處其厚不居其華果行溫良發言
砥厲豈期餘慶罔祐而禍有階故鵬鳥作孽二豎為

崇沉疾於故林私弟即代之日春秋六十有三無嗣夫
人元氏晝哭靈帳恨無三從傷肝膈之痠憤痛終身之

惻獨長女適河東柳氏名峴試太常寺奉禮郎感深仁
之厚恩盡半子之禮節力空棺觀手植松口快塗車對

之厚恩盡半子之禮節力空棺觀手植松口快塗車對

馬鬣粵三年建子月葬於縣之南三里潞水之右託一
片之琬琰記平生之徵 俾山壑之變風烈有遺而為
銘曰

屹然孤墳長城之東死生永隔天地不同嗟矣靈窮
泉之中悄々原野旦暮悲風

按太平寰宇記莫州漢鄭縣唐景雲二年分瀛州
屬邑鄭州割瀛州鄭任邱文安清苑幽州之歸義
等五縣屬焉開元十三年以鄭字類鄭改為莫字
天寶元年改文安郡乾元元年復為莫州長豐縣
本秦漢之利豐縣高齊廢唐開元十年於文安南
三十里復立利豐縣又以縣北有長豐渠遂改名
長豐析文安任邱二縣以實之幽州唐天寶元年
改為范陽郡乾元元年復為幽州潞縣本漢舊縣
屬漁陽郡唐貞觀元年以潞歸幽州長豐在今順
天府文安縣境潞縣為今通州誌石蓋出於此

清河張夫人墓誌

縱橫各一尺五寸十九行行
十九字正書在陝西長安縣

大唐故清河張夫人墓誌銘 并序

弘農楊暄撰 外孫子聿彭城劉釗書

夫人号威德清河之族積善承家祖考諱退昌二女也
不乏世賢園林隱跡夫人既笄之後適于閭氏婉順和
睦克柔母儀淵慎於家聲聞於里况乎先覺早悟色空

齋戒在自持念問目奈何善不增壽命也自來染疾月

旬歲過不減貞元八年二月廿八日終於京長安縣義

甯里之私第春秋六十有九即以其年五月十八日擇

地吉辰葬於長安城西龍首原之禮也嗣子庭萼右龍

武軍宿衛忠孝之道端絕過禮次子庭珪右羽林軍宿

衛邠州即度尚書張獻甫奏赴行營遂忠於國孝不

並行報哀之情昊天何極嗚呼痛哉又足悲也一女四

嬪於白氏半子之分禮以恭仁攀慕痛深將刻斯石其

銘曰

清河夫人 嬪於閻氏 二男一女 忠孝誰理 其一

公之獨守 痛傷靈机 四時定省 賴之半子 其二

楚挽送終 染疾一周 死生命也 念之何求 其三

孤墳寂寂 松柏颺颺 泉門永掩 萬古千秋 其四

外孫太清刻字

按張夫人嬪閻氏適從女作嬪唐時沿習見於萃

編及古刻義鈔者不可枚舉閻氏本齊大夫閻丘

嬰之後或單姓閻氏其見於唐時者元和姓纂蜀

州司馬閻邱珣上元中准制改姓閻氏生雲臺倉

部郎中又有左補闕閻知微宋長安志朱雀街西

第五街即皇城西第三街從北第一修真坊次南

普聞坊次南義甯坊即此義甯里也外孫子諱之

稱始見於此

懷素東陵聖母帖

石高三尺寬四尺上下兩截草書首尾計五十四行行字不等

聖母聞主口疾釋遂奉上清之教旋登列聖之

位仙階崇者靈感遠豐功邁者神應速乃有真人劉君

擁節乘麟降于庭內劉君名綱貴真也以聖母道應寶

籙才合上仙授之秘府餌以珍藥遂神儀爽變膚絡織

妍脫異俗流鄙遠塵愛杜氏初怒責我婦禮聖母儵然

不經聽慮久之生訟至于幽圉拘同美里倏口霓裳仙

駕降空鄉雲臨戶顧召二女踐虛同升旭日初照聳身

直上旌幢彩煥輝耀莫倫異樂殊音口空方口康帝以

為中興之瑞詔於其所置仙官觀慶殊祥也因號曰東

陵聖母家于廣陵仙于東土曰東陵焉二女從升曰聖

母焉遂宇既崇真儀麗口遠近歸赴傾市江淮水旱札

瘥無不禱請神貺昭答人用太康姦姦之徒或未弘告

則有烏禽翔其廬上靈徵既降罪必斯獲閻井之間無

隱隱焉自昔暨隨年將三百都鄙精奉車徒奔屬及燭

帝東遷運終多忌苛禁道侶元元九聖不承慕揚至

道真官祕府罔不口建况靈縱可口道化在人雖蕪駢

荒頑而莫禱雲集棟宇未復著文銜悲誰其興之粵因

碩德從叔父淮南節度觀察使禮部尚書監軍使太原

郡公道冠方隅敷崇南服淮沂既口口作而不朽存乎

頌聲貞元九年歲在癸酉己月

貞元九年釋懷素草書宋元祐戊辰歲三年刻在西安府學聖母晉康帝時人其得建號為東陵聖母者以其主食江淮故也禹貢導江過九江至於東陵漢書地理志廬江郡金蘭西北有東陵鄉者是也王松年仙苑編珠曰聖母杜氏妻也學劉綱術坐在立亡杜氏不信誣以姦淫告官付獄即從肉中飛出入雲中而去與帖所云正合聖母自晉迄隋無不崇奉至唐則尤甚此帖書於德宗時文稱從叔父淮南節度觀察使禮部尚書太原郡公而不書名蓋指建立祠宇之人案其文義當在廣陵郡地帖蓋宋時以墨本摹刻者後有柳棠柳乘裴休同登題名

王仲堪墓誌銘

縱橫各二尺四十二行行三十四字至三十七字不等正書在順天府大興縣徐氏

唐故監察御史裏行太原王公墓誌銘

并序

族弟盧龍節度掌書記監察御史并平述

公諱仲堪字仲堪其先太原人也葬仕珪鼎紛綸歲廷國史家譜詳之脩矣十九代祖西晉京陵公渾位縣台司功格帝室曹膺枝散遍於九州五代祖冲後居幽州安次縣子孫家焉今則又為邑人也為郡右族繼生才賢曾祖挾王父幹儒墨傳家以孝悌自任故時君不得而官之矣皇孝令仙蘊孫吳之術好立奇功累以勲伐

稍遷大理評事公即評事 府君之元子生而岐嶷體俗剛柔越在齡年便志於學逮乎弱冠乃為燕趙聞人經史該通詞藻艷發本道觀察使賢而薦之自鄉賦西遊太學羣公卿士聆其聲而交之所居結轍名動京邑大歷七年進士擢第稽古之力自致青雲所謂拔乎其萃為山九仞者也解褐授太原府參軍事居無何丁大夫人憂服闋奉道節使奏授幽州大都督府戶曹參軍以能轉兵曹參軍事雍容府寮名檢擢舉局無留事庭宇生風節使嘉之俟其碩畫乃奏充節度參謀拜監察御史盧諶本郡未足稱榮買臣居鄉豈云顯達我相國彭城王方任以參佐國贊 屬謀略邁韓彭幕繼表伏矣以為諸侯聘問歲惟其常妙選行人以通兩君之好十二年冬十一月公奉使於蒲春二月旋車自蒲經途遙遙旅次雲鄆以貞元十三年二月三日不幸暴殁於望巖之傳舍享年六十有四嗚呼哀哉自古有死人誰不終公有厚德而壽不永公有全材而位不高則梁竦悲乎州縣馮唐老於郎署可以言命矣以貞元十三年二月十七日殯於薊東之別墅後權也以其年四月六日還神於薊縣燕夏鄉甘棠原禮也不祔舊塋從先志也次弟仲珂季弟僧法源等悲摧鴈序痛折連枝詞子存次子較方在幼童茹感過禮子壻前鄉貢明經清河張存義感於情眷深國士慮絕故老永遺志業刊

石紀德銘而旌之所謂沒而不朽者矣銘曰 易水

湯湯兮燕山崇崇有斐君子兮穆如清風簪筆挽裾兮

佐 我上公直哉惟清兮允執厥中奉使于蒲兮白

西徂東天胡不仁兮如何道終丹旆戾止兮啓茲玄宮

青松森列兮永翳我宗悲壯圖兮已矣惟芳名兮不窮

按此石嘉慶中京都土人得於外城東隅旋歸太

興徐編修 今藏其家誌序云相國彭城郡王者

謂幽州節度使劉濟也奉使於蒲者河中節度使

渾瑊也薊本漢舊縣寰宇記二十二鄉燕夏其一

也

大樂山修楞伽寺碑

壽陽縣大樂山重修古楞伽寺碑記

等於闕八之歲禮請留住此山乃登毗雲林俯瞰幽谷

固侈奇狀殊異眾峯其山也礧礧磅礴接五 之兩崇

前窺巔巒倚九天之一柱朝參暮禮了達善緣是以理

與心明素非仁智之流豈能皈向如來而重修此寺故

寺名古楞伽者金園界畔而明也東至峯神廟西至磧

石山南臨上馬平北扼黔嶺澗此寺之四至也發金之

地猶徧以廣其規斬崔嵬之山砌石為堦旬日乃成然

以樑架長空屋成平地疊軒廊以口崖疊層坡以崇裁

丹柱燦施兮光映朝霞寺虛清極兮晶含夜月四眾回

向三縣歸依敬礼三世諸佛及諸功德尊堂口等蓋法

無生滅位列生人自屋自居此山此向俗年八十有七

成斯功德以彰不朽之名所有造碑功德宜勒於石上

祝

聖壽遐昌唐王永久握乾風以輦萬邦來驛賁以朝萬

國仙觀神山永鎮無疆故記

大唐元和六年歲次辛卯六月甲子朔太原府壽陽縣

大樂山古楞伽寺住持道明口立

按碑在壽陽縣東北四十里大樂山縣志未載平

之遺道光元年四月予偕沈平定瑛訪碑於壽陽
吾鄉董峒亭編武得此拓寄苑疑苑省規疑疑誤

慮未詳

沁河坊口等記

拓本高三尺三寸廣二尺三寸十九
行行二十七字正書在河南濟源縣

沁河坊口廣濟渠天城山蘭若等記 敬□□□□□□□

□撰并書

二儀始分山河已顯豈伊造化寔日自然此沁水者出
自沁州沁土山初出泉涌已堪賞翫數里之外便作洪
流坪万仞之山闢千重之嶺馳盤龍勢虎卧鳳翔或東
衝而陡波或西傾而箭激或南流而繩縵或北瀉而若
飛屈曲縈迴七百餘里奇峯怪石匪可名言有若佛形
或如仙狀翔鸞蹲鳳異獸神人遷迤相望至于谷口中
間潭洞清瀨亦數百餘鼉鼉蛟螭莫知其數峭壁万仞
聳出深潭人之無由鳥飛方度危險崖墜匪可書窮活
活雄流輒不可犯屈茲坊口寔曰巨河以下坊水像坊
形出山俗謂之坊口以下開有釋子堅公者稟天地之
氣承造化之英懷濟物之心有開河之志承 恩銜命
勅使監臨觀天下地形可開處便闢飛輪至此巨
致殊功招焚噲之徒召五丁之類駢崕峴之石立拂雲
之梢堰洪口巨流缺東南之岸今流一派慨數百萬頃
之田荷鍤興雲缺渠降雨黃泥五斗杭稻一石每畝一

鍾寔為廣濟由是河內之人無飢年之慮陂堰殘水尚
為大河千里澄澄東流入海以下蘭此坊口內灣環綠
水狀若盤龍周迴翠屏削成万仞中間有地數頃夷若
平川金門雄山引頭直入數峯巖巖勢若聯珠余因遊
焉結茅禪室目之四面号曰天城時人因稱天城山聯
珠峯蘭若既居睦境安敢匿詞智短山長略述其狀
元和四年赤奮歲春三月朔此蘭若六年單闕歲冬十
一月刻此記焉 濟源縣令李朝陽 忝□宏 薄李
勛 尉王士端同立

按沁河坊口廣濟渠天城山蘭若等記石刻在濟
源縣石完整惟撰書人姓名剝蝕難辨隋書地理
志河內郡濟源縣舊有沁水縣後齊廢入唐書河
北道孟州濟源縣有坊口堰大和五年節度使溫
造浚古渠溉濟源河內溫武陟田五千頃明一統
志坊口在濟源縣東北三十里兩山間沁水經焉
舊以坊木為門故名坊口晉司馬孚累石為之又
名沁口唐韓愈詩平沙綠浪榜坊口白居易詩危
磴上懸泉澄灣轉坊口宋文彥博詩下馬入坊口
漾船沿碧溪隋盧煥唐溫造俱於此開渠灌田名
廣濟渠又河陽節度使溫造奏復懷州古秦渠坊
口堰溉諸縣田是廣濟渠即古秦渠渠堰由來皆
久非始於元和時也記以水像坊形謂之坊口說

殊不經其金門山天城山聯珠峯及令丞蒲尉司
補濟源志乘所未備方彥聞拓贈

石壁寺甘露義壇碑

碑高八尺廣四尺二十七行
五十二字正書在山西交城縣

唐石壁禪寺甘露義壇碑

尚書司封員外郎賜緋魚袋李逢吉撰

唐有天下 仁聖奕葉文武重光憲章於古損益以已
革去雜霸煽揚國風於二皇三代有全德於周公孔父
無違命獨□□□□慈禪於人紀考之經義則
不悖施之帝典而可大式克倬尚許其踐修於是人知
崇奉家有清信空法匠於窠區真經倖於□□□□
□列郡而我三壇角於三都在西都曰靈感壇在東都
曰會善壇在北都曰甘露壇洪惟道通之通軌歸心之
真宅甘露壇在府□□□□慎微稽謀之初欽若
佛旨日將漸位地是繁禁戒惟厥授受必資壇場不嚴
重何以肅凡心不精頑罔克之聖鑑不弘闡曷足□□
□□且欲以齊二京之宏觀補是邦之闕典乃銳其勳
力誓之以死斷于高賞耶彼崇信入貨者波委就復者
子來掘及九泉實以香土□□□□水之勝極金木之工
功費鉅萬環奇莫二自貞元癸酉歲暨丁丑歲而能事
畢是歲有事于靈壇凡數郡之內碩學舊德額門之師
大□□齋志去家之徒駿奔走自四月八日至廿四日

而法會罷俾夫來者宿殖遽生聚蕃汙畢清滌恒性鎮
有守安見寢不作至靈加之易外境交感凡聖忽其相
接懽聲喜氣被於山谷休譽令儀播于宇宙其大哉茲
至道妙蹟之無量無邊其魄見於事者可略而紀昔應
身示滅像□□趨之不一而旌別道俗攝持身口莫疾
於尸羅近世之弊主者有經費求者必執責既叨憤而
有交和之患顧急憤而無與進之心則中途□□大化
斯靈矧或師未善教而法禁廢弛事鮮成命而去取瀾
滑懿夫弘濟為心周給於寂則人以勸延幾其能詳定
其要則事有倫五載而□□萬眾而無擇使人趨之也
謂東漢感夢以還釋流傳授未有盛於此者故自興作
每多符應巨功方半景甚清霽甘露垂珠於草樹者三
日□□觀大眾日集時屬早暎靈泉湧溜於山間者數
所以辦禮食賓主咸賴由是節度觀察使禮部尚書李
公以文武忠肅休勲懿行而志尚營道□□寬仁長材
曠度而性惟與善相與叶心同德表請錫名曰甘露無
碍義壇且又降之素書用加褒美出其清俸以為賜予
斯足以駭見聞而□□□設教得其人而後行前志又
云天時不如地利禪師本姓齊氏荆人也姜水落族漁
陽德門累襲軒冕夙彰行義脫屣代祿率身高驥初隸
□□□脩多之藏究毗尼之樂演律為典主傳戒為常
師了法之無住游方而至止因感 文德先后聆神鍾

荆仁祠之勤嘉道緯大士精修禪觀□□□堅崇遂林
泉詭異據全晉之右壤面興 王之舊京宜作聖域以
嚴 佛事而既經始于焉肆勤綱維及寺之書文上首
等率能奉法以慎□□□克佐佑誕臻厥成則又知清
行勝槩之若此雖欲勿坦為宏圖而莫可已於是縉流
後賢縉紳諸儒洎清信士女百千人俱議欲刻石以存
□□□六經之餘雅脩無生而亦窺龍宮之秘故得以
盛朝君臣之至化空門聖賢之妙道合而為頌以簡于
後其辭曰

釋氏之宗泊乎無為生殖光大夜妙攸依道彌無涯智
不得知誕設烟戒揭其洪規亦既潤色為之羽儀乃瞻
後賢異代如期持律之士若□□□為眾元龜亮直端
潔宜作之師在法末流典制寢隙忘味輟寢指志興衰
乃經斯壇充盡瑰奇赴者如市來其如歸靈泉川流膏
露□□□□□□□□□□ 聖君唐虞同時端
拱思道而人畢隨京邑有三壇乎如之越有大賢鎮安
翔陞請錫嘉名用光于茲既賜予矣褒□□□

□允都政貞清道機萬有千年燁洪耀于斯

元和八年三月十九日

大元至順三年歲次壬申三月初有三日重建

中奉大夫陝西等處行中書省

特賜龍石辟護國寺主方圓寺碑券

按唐石辟寺甘露義壇碑元和八年三月李逢吉
撰元至順三年三月重建三都三壇此其一也元
和郡縣志武德元年罷太原郡為并州總管七年
改大都督天授元年罷都督府置北都神龍元年
依舊為并州大都督府開元十一年以王業所興
又建為北都改并州為太原府天寶元年改北都
為北京此碑在天寶以後而仍云北都者三都之
稱已久從其舊也三都三壇今此交城甘露為北
都之壇外惟東都之會善戒壇在登封西都靈感
無可攷矣李逢吉太宗時文學館學士李元道之
曾孫也元和十一年二月以中書舍人為門下侍
郎同平章事十二年九月罷為東川節度使長慶
二年六月以兵部尚書為門下侍郎同平章事寶
歷二年十一月充山南東道節度使事見兩唐書

本傳

李術墓誌銘

石縱橫各一尺二寸十
五行行十五字正書

唐故叔氏墓誌 并序

元和九年歲直甲午正月十九日丁卯浙東道觀察判
官將仕郎試大理評事攝監察御史李翱奉其叔氏之
喪塋于茲叔氏諱術生子曰王老遠在京師翱實主其
事銘曰

翱生始言叔氏棄沒爰殯于野年周四甲豈無諸親生故或迫亦有息子枚宦京國丘墳孰封松楸未列殯宇零毀狐狸所穴中夜遠思酸悽心骨是以乞假公府言永筮宅追念延陵喪子羸博葬不歸吳于禮其合唯叔平生游居是邑天謝于此靈幽其託女姪之西仲兄之北冥昭何異可用居息孰為故鄉乃樹松柏

按李術墓志銘見李文公本集術為諸父而曰叔氏叔父之尊而擬之延陵羸博尤為不倫朔以浙東觀察判官乞假筮宅銘云唯叔平生游居是邑卒莫知所葬何地李朔此文本不可為典要後人就集本上石詭為出土書刻并劣集本題叔氏墓誌銘石本加唐故二字旅宦之旅作旅靈幽之幽作幽淺人涉筆一二字已見其陋錄而摘之以懲屢託

宣功參軍魏迥墓誌

石鐫橫各一尺六寸三寸行

大唐故宣州司功參軍魏府君墓誌銘并序

息孤子汪贊自撰兼書

大人諱迥字仲方其先鉅鹿人寄居于京地府咸陽縣積代矣頃因祿山暴逆鑾輿南征畿甸士庶皆為俘馘由是圖籍毀致舊業烟燼不可復知先人之事也此無以述曾祖賓皇任隴州長史祖母王氏祖朝隱鄆縣

浮名高尚其仕祖母栢氏伯父遜試左衛率府兵曹參軍皆不幸短命先歸黃壤且大人少履文字貞元初以鄉舉射策上省者五六以賄援無竟不登第然當時稱屈者眾矣其後為河陽節度使所辟隨逐戎幕處事詳明奏懷州參軍丁祖母憂不上後參選拜果州司戶參軍未上為度支山南租庸使所厚抑志勾留共理鹽鹵官滿不舍其後懼以覆餗懇辭所榮租庸使章公不勝其辭由是獲免既而四海無業一家若浮萍葉老幼而入闕闕中無投足之地賈居于萬年縣之豚業里醜然無託食於親知者首尾五祀出無車與坐寡糧糗妻孥有含菰飲水之患無衣無褐之虞而我父不為恥不隕越者以其知止知足達於至理者也元和四年夏四月相府裴公因人而知其善補待制官掌握絲綸肅慎益著地居近密不發私書朋舊昵親由斯咸怨人雖欲遺之口布斗粟曾不我容焉所謂蹢躅火不熱履霜堅氷其此之由乎拜發州司功參軍轉宣州司功參軍未滿今年復有詔令之本官以其年十月十三日終于宣州宣城縣之公館汪贊親侍靈舁以明年歲次乙未四月八日己酉葬于京地府萬年縣之畢原禮也於戲大人履善道踐吉事亦已久矣而不曾極耳目之所觀聽娛心意之所愛樂一生蹇蹇終日棲棲而死之日餘俸不足以葬藏一身兒女無歡